

VEKERA, TARAWA
JULY 1999

**Kaotan
Te Tangira**

*"Ibukia ataei ao ikawai
ake a rekenibongiaki"*

**Karina am
katekeraoingkail**
Phone: 21162 Fax: 21096

Uekera

**Bwanaraoi
Music Shop**

C/o Angirota Enterprises

*"Music to Your Ears
on Compact Discs and
Music Cassettes"*

Phone/Fax: 28236 Mobile: 30110
Email: angirota@tskl.net.ki

Nambwa 32

Aokati 6, 1999

Boona 60c

E MOANA ana waaki n anga reirei te I-Abatera temanna, nakoia ataein moanrinan n reirei tabeua i aon Tarawa Teinainano ma Betio, n te Kaabong ae nako, n ana tabo TTI, i Betio.

Teuacai bon Jason Lewis, 31 ana ririki ao bon tei Engiran. Bon ngaia naba te moan aomata are e kataia ngkai n rauniia te aonnaba ni kabongana oin korakorana ni kabuta baona te booti te toutou, are ngaia ae borau iai.

Nana taeka Jason are e angan Te Uekera, ao e kaotia bwa te boto ni iango i aon ana waaki n angareirei are e waakinna ngkai, bon kabutan ao katabangakan te koaua ae "iango ni kabane a na bon kona ni koro bukiia, e ngae ngke e matoatoa aron iangoia".

"Aio au koaua are i tangiria ni kan tibwaia nakoia aomata nako. I a tia ni kakoaua bwa akea te bwai ke te kanganga teuana ae kona n totokoiko man kakoroan nanon am iango are ko

E anga reirei nakoia ataei Fason, te tia bwatika i taari



Ataein Dai Nippon Primary School ngke a roko n ira ana reirei Jason (atai)

iangoia.

"Ao i bukin aei, ao I taku bwa e bongana ao e riai n ataaki irouia ataei man uarerekeia, riki ngkai a bon tibwa moana karekean aia atatai i aon rabakau aika a boou, bwa te bwai ke te iango are e mena i nanoia ngkai, e na kona n riki bwa kairan nanoia ma kamatoaan nanoia ni kan karekei rabakauia n te reirei, i bukin kakoroan bukiia.

"Aio are e na bon rangi

ni bongana ao n uaana, moa ni bon nakoia n reitaki ma aia utu ao bon nakon naba abaia ae Kiribati, nakon taai aika a na roko," e taku Jason.

E ngae n anne ao e oti naba n rongorongon mwanangan teuacai, are e a karekei Te Uekera n te boki ae 'Pedal for the Planet, te boki are e kabwarabwaraki iai moan bungian te iango aei, n reitaki ma mwakurian kakoroan

nanona ao ai mwananga i mwiin bobongan bwaina nako. E mataata ni kanoan te boki aei bwa ana waaki Jason are e waakinna ngkai ma ataein Kiribati i aon Tarawaikai, bon kanoan ana burokuraem are e a kaman waaki i nanona ma ataein aaba ake e moani waaei n aerake iai, i nanon mwanangana aio. Aaba aikai bon mwakoron Amerika tabeua ao ai Ha-

waii, ao kanoan ana waaki bon te angareirei naba nakoia ataein te reirei, n aron ae waakinna ikai.

A na waaki n anga reirei Jason are e waakinna ngkai, e na bon rangi ni manena ao nuaana naba nakoia ara aomata nakon taai aika a na roko.

E ngae n anne ao ni kabanean ana taeka Jason, ao e kaotia bwa boton ana waaki aio, bon te tangira ma te reitaki ni iraorao ni koaua.

